

ARMAZENAJEN DI SEMENTIS

PUR KE GUARDA SEMENTIS


Armazenajen di sementis ka é só ekonomiku, ma tanbe el ta ajuda manti biodiversidadi di kulturadas, rezistensia sosial i signifikadu kultural di plantas. Biodiversidadi ta ajuda sistema alimentar rezisti pa kes kondison ambiental desfavoravel. Kel li stá ta bai ser kada vez mas inportanti a medida ki es kondison ta ser agravadu pa mudansas klimatiku. Alguns variedadi podi rezisti seka, otus podi rezisti ventus forti i asin pur danti. Kuantu maior for diversidadi jenetiku, mas es sistemas alimentar stá protejidu di flutuason stremu i skasez di rekursus.

KOMU KI TA GUARDADU SEMENTIS

KONXI BUS PLANTA: Prendi sobri kes kualidadi di kulturadas ki bu stá ta tenta guarda ses sementi. Plantas anual, sima tomatas, alfasi i fijen, ta floresi, ta dá sementis i ta mori na kada stason. Bianuais, sima senoras i seboles, só ta floresi i ta ser semeadu na kada dôs stason, kuza ki ta signifika ki bu stá ta bai ter ki spera pa guarda ses sementi. Plantas senpri verde, sima franboezas i mirtilus, ta floresi na tudu kes stason, ma es ta konsigi sobrevivir durante txeu anu. Maturidadi di sementis é otu fator inportanti. Alguns sementi podi ka stá maduru na pontu tipiku di konsumu i bu podi presiza spera até ki fruta ta stá txeu maduru. Bu podi uza es informason pa adapta bus pratikas na guarda sementis pa kes sementi di plantas spesifku ki bu kizer guarda.

PLANU PA ARMAZENA SEMENTIS: Tomatis, ervilhas, fijen i alfasi é plantas anual di autopolinizason. Es kulturadas é eselenti pontu di partida pa komesa ta guarda sementis. Tanbe bu ta devi plania planta kuantidadi di sementis ki stá ta bai dá-bu kolheta mas forti na stason siginti, ki ta varia di kolheta pa kolheta.

REKODJI BUS SEMENTIS: kulturadas ten un fruta seku ô un fruta umidu. Armazenamentu di sementis di frutas sekus podi sinplismenti eziji kolheta di vajen di sementi maduru i se tratamentu pa armazenamentu. Frutas umidu ta eziji retirada di sementis maduru di polpa di fruta i ses sekajen kompletu.



KOMU KI TA ARMAZENADU SEMENTIS

Boas pratikas di armozamentu podi prolunga vida útil di bus sementi. Óra ki bu ta prepara kes sementi pa armozamentu, verifika si es stá maduru, livri di doensas i pragas i si es stá seku. Di sigida, poi lejenda na bus sementis ku ses nomi i rejista kalker otus detalhi inportanti. Armazena kes sementi na un lokal fresku, skuru i seku, protejidu di pragas.



MIDJORIS PRÁTIKAS

MANUTENSON DI REJISTU: Notas detalhadu sobri kes sementi ki bu guarda é informason mutu inportanti pa manti ku kes sementi. Akonpanha nomi di planta, número di sementis rekodjidu, data di plantiu, prazu di validadi, data di kolheta di sementis i kalker otu informason inportanti.

GUARDA SEMENTIS DI KES PLANTA MAS SAUDAVEL: Plantas saudavel i forti é mas provavel di produzi sementis saudavel. Ser un poku seletivu na desidi di kal plantas pa rekodji sementis podi ser benefiku pa resisténsia a longu prazu pa bus plantason. Guarda sementis di planta ku tamanhu, kor i sabor ideal tanbe podi ajuda garanti ki kes plantason di prosimu anu ta erda karateristikas favoravel.

EVITA POLINIZASON KRUZADU: Diferentis kulturadas dentu di mesmu spésie podi poliniza un pa kel otu, kuza ki ta fazi kes planta ter karateristikas diferenti di ses planta-manhe. Si bu ta dezeja manti bu variedadi di planta puru, konsidera izola plantas di mesmu spésie. Kel li ta involvi manti algun distansia entri kulturadas di diferentis variedadi dentu di mesmu spésie. Kes distansia di izolamentu ta varia di akordu ku kultura en partikular. Pur izenplu, kulturadas ki é polinizadu pa ventu ô insetus (midju, pepinu, abobora) stá ta bai eziji maior distansia di izolamentu ki kulturadas ki é autopolinizadu (tomati, pimenton, fijon).



GrowBoston

Fontis: Seed Savers Exchange, Seeds Matter, University of Minnesota Extension, Civil Eats. Ilustrason di Olivia Golden.

growboston@boston.gov

